



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput X. Urbanus III. (a) Cenomanensi Episcopo.

[urn:nbn:de:hbz:466:1-74533](#)

CAPUT IX.

Idem (a) Januenſi Episcopo.

DEllis autem, qui in minore ætate desponsantur, traduntur, & conjunguntur, & processu temporis divortium postulant, minorem allegantes ætatem, aut vim sibi à parentibus factam: hæc inquisitioni tuae taliter præsentibus litteris respondemus, quod si ita fuerint ætati (b) proximi, quod potuerint copulâ carnali conjungi, minoris ætatis intuitu non debent ab invicem separari, si unus in alium visus fuerit consensisse, cùm ætatem videatur suppleuisse (c) malitia: sed cuiuscumque ætatis sint, se possunt per illatam violentiam excusare, nisi post violentiam consensus accedat.

NOTÆ.

1. (a) *Januenſi.*] Ita etiam legitur in i. collect. sub *hoc titul. cap. 12.* ubi additur pars capituli *tua nos*, ut agnoscamus in præsenti referri partem textus in *cap. tua 7. de sponsa duor.* ut jam notarunt Cujac. & Ant. Augustin. in præsenti: integra autem Decretalis extat post Concil. Lateran. p. 50. cap. 41. & eam dabimus in d. cap. tua y.
2. De *Januenſi*, seu *Genuenſi* Ecclesia nonnulli dedi in cap. cùm iter, de electione.
3. (b) *Proximi.*] Quis dicatur proximus pubertati, exposui supra in cap. continebatur 6.
4. (c) *Malitia.*] Quia ea accedente cum habilitate ad copulam, ante pubertatem ritè, & validè contrahitur matrimonium, ut probavi in cap. 2. hoc titul. ubi Commentarium hujus textus dedi.

CAPUT X.

Urbanus III. (a) Cenomanensi Episcopo.

Atestationes super causa matrimonii, quæ inter H. juvenem, & G. mulierem vertitur, à tua nobis fraternitate transmissas accepimus, & ipsis diligenter inspeccis, & pleniū intellectis, manifestè nobis innotuit, quod prædictus juvenis (b) nondum XII. annum attigerat, cùm præfata acceperat in uxorem: & licet (c) nifus fuisse, sicut uterque confessus est, ipsam corrumpere, mulier tamen credit se virginem evassisse. Verum antequam ad annum XIV. pervenisset, ex attestacionibus ipsum à memorata muliere intelleximus recessisse, quem eadem mulier instanter nunc repetit, & pro viro sibi (d) vindicare contendit. Sed cum vir X. & VII. annos habeat, ipsam recipere contradicit. Unde quia donec nos super causam ipsam consuleres, non duxisti in prolatione sententia procedendum, hoc à nobis super tua consultatione habeas responsum, quod si mulier per idoneos testes probare (e) nequierit, quod post XIV. annum suæ ætatis, vel circa finem XIV. prædictus juvenis consensisset in eam, ab ipso (f) juramento recepto, quod postquam ad legitimam ætatem pervenit, ipsam habere non consensit uxorem, ab impetitione mulieris cum potes, & debes absolvere, & ad alia vota utriusque dare licentiam transeundi.

NOTÆ.

1. (a) *Cenomanensi.*] Ita etiam legitur in i. collect. sub *hoc titul. cap. 13.* in cuius notis docet Ant. Augustin. in præsenti referri partem capituli *cum in Apostolica*, sed non rectè, ut jam in eo textu notavi, cùm textus hic diversum casum contineat, licet sit eisdem Pontificis, & eidem Prælato in eo referatur. De *Cenomanensi* Ecclesia egi in *cap. 54. de elec.*
2. (b) *Nondum 12.*] Et ita juxta sacros canones non erat proximus pubertati, cap. continebatur, ubi probavi, *hoc titul.*
3. (c) *Nifus.*] qui non sufficit, ut sponsalia transellant in matrimonium, ut probavi in *cap. 3. cap. ss. quifidem, de sponsal.*
4. (d) *Vindicare.*] Uxorem posse vindicare mā. D. D. Gonzal. in *Decretal. Tom. IV.*
5. ritum in judicio, probavi in capite primo, de ordine cogniti.
6. (e) *Probare nequierit.*] Sed quomodo publicatis attestacionibus novi testes produci poterant, contra principium textus in *cap. fraternitatis, cap. causam que, cap. ex tenore, de testimoniis.* Cujac. in præsenti docet, quod licet super eadem re non admittantur novi testes publicatis attestacionibus, tamen super re diversa, ut in præsenti specie contingit, rectè admittuntur novi testes. Sed præterquam quod ex litera textus non constat publicatas jam fuisse attestaciones, cùm Episcopus Cenomanensis consuluit Romanum Pontificem, et si jam publicatae essent, rectè in hoc casu nova productio testimoniū admitti poterat; quia agebatur de matrimonio contrahendo, vel dissolvendo, & tunc novi testes admit-

admittuntur, etiam publicatis attestacionibus, ut probavi in cap. juravit 6. de probationibus.

(f) *Juramento recepto.*] Sed quare à reo juramentum exigitur, cùm auctore non probante, ipse ablovidens sit, cap. 2. de probat. l. qui accusare, C. de edendo, l. si quidem, C. de except. & in cap. Christiani 32. q. 5. docetur, probatione cessante, vindicta rationem conquiscere, unde & Cassiodorus 7. variar. ait: *Reus qui dicitur, & probetur.* Apuleius 1. apologet. inquit: *Omnes homines rei constituentur, si ei qui nomen cuiuspiam detulerat, nulla sit probandi necessitas, omnis contra facultas percunandi.* Aliqui existimant in causis matrimonialibus specialiter in supplementum probationis juramentum deferri: ita docuerunt Tuscchus litt. T. conclus. 540. num. 48. Camillus Borell. in summa deois. p. 1. tit. 54. num. 45. plures per Farinacium in fragm. crim. p. 2. litt. I. n. 1243. Alii rectius contrarium docent, videlicet nul-

lam specialitatem, quoad hanc partem dari inter causas matrimoniales, & ceteras. Ita Azor, Hostiensis & Mozius, laudati à Barbosa in select. ad texum in cap. vidua, de regul. num. 3. Alii discrimen constituant inter causam, in quo pertineti juramentum suppletorium, pro matrimonio agit; & inter eum, in quo contra matrimonium actionem intendit. Primo casu locum esse juramento suppletorio, secundo vero casu juramentum deferri non posse. Ita Seraphinus, Averrarius, & alii laudati à Barbosa ubi supra, num. 1, tandem ipse Barbosa ex aliis distinctionem affert inter eum casum, in quo ultra semiplenam probationem adsumt aliae presumptiones, & inter eum, in quo tantum semiplena probatio adest. Primo casu locum esse juramento suppletorio; secundo vero juramentum deferri non posse. Sed his omnibus distinctionibus omisis veram hujus difficultatis solutionem adduxi in d. c. 2. de probat.

CAPUT XI.

Idem (a) Pisano Episcopo.

EX litteris tuae fraternitatis accepimus, quod cum puella quedam A. nomine jam ad annum 12. pervenisset, jurata fuit & desponsata cuidam puero, qui erat in anno nono, vel decimo & dimidio: tempore procedente, de voluntate matris & fratum potius, quam de sua, sicut asserit, ad domum patris praedicti pueri est ducta, ubi nolens & invita, sicut ab ore ipsius te audisse proponis, & tam persuasionibus, quam ministris parentum impulsa moram per annum, & amplius habuit, & tandem inde recessit, & ad domum propriam est regressa. Commonita vero à matre sua, & à te postmodum, sicut asseris, ad eum redire, penitus contradicit, asserens quod nunquam voluit, nec vult eum in virum habere, sed nubendi alii postulat facultatem. Unde quia super hoc quid agendum sit, à nobis tua fraternitas requisivit, cum jam dictus puer, sicut tuae litterae continebant, nondum ad XIII. annum aetatis sua pervenerit, nec unquam ad eam puellam carnaliter accessum habuerit: d. t. presentibus litteris respondemus, quod si memorata puella per te ad hoc studiosè commonita, ut donec idem puer compleat decimumquartum annum sua aetatis, expectet, ad commonitionem tuam non duxerit expectandum, ei secundum ea quæ proposita sunt, accipiendi alium virum in maritum, auctoritate nostra dare potes libertatem. Dat. Veron.

NOTÆ.

(a) *Pisano.*] Ita etiam legitur in 1. collect. sub hoc titul. cap. 14. Id est Ubaldo Lanfranco, qui cum esset nobilis Pisanius, patriæ sua Archiepiscopalem sedem obtinuit ex anno 1176. usque ad annum 1198. ut refert Ughellius tom. 3. Italæ, fol. 478. De Metropoli Pisana nonnulla dixi in cap. 8. de temp. ordin.

COMMENTARIUM.

2. **I**N praesenti textu agitur de puella proxima libertati, scilicet annum duodecimum agente, juxta adducta supra in cap. continebatur; quæ desponsata fuit impuberi habenti tantum no-

vem, vel decem annos, & cum traducta esset in domum sponsi ex consenu parentum, post maiorem libertatem reddit in domum propriam; unde quarebatur an cogenda esset expectare, ut sponsus ad nubilem aetatem perveniret? Et respondit Alexander, monendam esse eam ab Episcopo, ut expectet sponsi aetatem, quæ sponsus liquidum possit exprimere animi sui sententiam; non tamen ad id esse præcisè cogendam, quia rata non fuerunt sponsalia cum impubere contracta, nondum proximo pubertati; & quia ipsa quoque asseruit, se nunquam in eum consenseret; & ita cum sponsalia ex defectu voluntatis ipsius nulla essent, non cogebatur pubes expectare impuberem, ut probabili supra in cap. de illis, ubi texum hunc expolui.

CAP.